

NDNM
ne diskriminacija
ne mobing

Udruženje građana
Ne diskriminacija, ne mobing
tel: 066 208 387
email: info@ndnm.ba
adresa: Mustafa Hukića 33, 75000

Identifikacioni broj
4210487470006
Broj transakcijskog računa kod
MF Banke AD Banja Luka
572-396-00005071-66

Udruženje „Ne diskriminacija – ne mobing“
Mustafe Hukića 33, 75000 Tuzla
+ 387 66 208-387, udruzenje.ndnm@gmail.com
Bosna i Hercegovina

Institucija ombudsmena za ljudska prava
Akademika Jovana Surutke br.13, 78 000 Banja Luka
Bosna i Hercegovina

Predmet: Zahtjev za zaštitu od diskriminacije građana/ki grada Tuzle

Poštovani,

obraćamo Vam se ispred Udruženja „Ne diskriminacija – ne mobing“ Tuzla sa sjedištem u Tuzli, naših članova i ostalih građana/ki Grada Tuzle.

Naime, u našem gradu se već duži vremenski period od strane Gradskog vijeća krše **osnovna demokratska načela i Statut grada Tuzle**, te se građani/ke dovode u neravnopravan položaj u odnosu na građane/ke drugih gradova u BiH.

To **kršenje koje dovodi do diskriminacije** se ogleda u tome da građani/ke grada Tuzla za razliku od ostalih građana/ki u BiH ne mogu birati svoje predstavnike u savjete mjesnih zajednica kako je to propisano odredbama člana 96. Statuta Grada Tuzle. Istim je propisano da Savjet mjesne zajednice **biraju građani** sa područja mjesne zajednice, **demokratskim putem, na neposrednim i tajnim izborima**. U stavu 2. istog člana je propisano da svaki birač koji ima biračko pravo i nalazi se na biračkom spisku mjesne zajednice **može birati i biti biran u Savjet mjesne zajednice**.

Ovo osnovno demokratsko načelo je propisano i odredbom člana 1. stav 2. Ustava BiH, gdje je propisano „BiH je demokratska država, koja funkcioniše na principu vladavine prava i na osnovu **slobodnih i demokratskih izbora**. Nadalje, u odredbama člana 2. stav 4. Ustava BiH je propisana i **nediskriminacija**. Ova demokratska načela koja su propisana i odredbama Ustava BiH se očigledno ne primjenjuju u našem gradu, jer je jasno da **demokratskih izbora za mjesne zajednice neće biti**, a samim tim naši građani/ke su **diskriminirani, i ne mogu birati a niti mogu biti izabrani** u Savjet mjesne zajednice iako na to imaju **pravo**, dok građani Širokog Brijega, Sarajeva, Bihaća i drugih gradova **mogu**.

Misija: Udruženje koje se bori za jednakost i ravnopravnost građana u svim sferama života, sa naglaskom na radno-pravne odnose i borbu protiv mobinga kao jednog od oblika diskriminacije i sredstvo poslodavaca i političkih stranaka kojim drže u strahu radnike, zaposlenike i državne službenike.

Vizija: Ravnopravno društvo bez diskriminacije po bilo kojem osnovu